

Arrègulas de arrispetare cando si andat a mare cun su cane

- Est menzus a fàghere intrare a modde su cane cando ddu at prus pagu zente, ca a bortas dat infadu.

- No ismentigare mai palita e sacheddos igiènicos pro non lassare arrastu cando su cane imbrutat.

- Portare su cane a mare no est semper un'idea bella pro s'animale etotu e pro sas persones. Bizonzat a valutare ogni situatzione.

- Portare in fatu su libriteddu de sos vacinos de su cane.

- Dare atentu chi su cane abbarret semper acanta e chi si potzat bìdere semper in ue est e ite est faghinde (in logos meda est de òbligu a mantènnere su cane cun su guinzàlliu); ddu at zente chi timet sos canes e no est cuntenta de nde bìdere.

Comune de Sorradile
Provintzia de Aristanis

Sa redatzione de *Novas sorradilesas* est contivizada dae su Servitziu linguisticu sardu de su Comune de Sorradile
(operadora *Marinella Marras*
Sotziedade Cooperativa L'ALTRA CULTURA)

S'isportellu linguisticu est a disponimentu de tzitadinos, maistros de iscola, professores, istudiantes pro cale si siat informatzione, duda, bibliografia, sitografia in contu de sa limba sarda, pro consulèntzias didàticas e pro cussizos chi pertocant sas règulas de iscritura de su sardu.

Su Servitziu est abertu:

su **lunis** dae sas **08,00** a sas **14,00**



Comune de Sorradile
Provintzia de Aristanis

www.comune.sorradile.or.it

Novas sorradilesas

Newsletter periòdica de informatzione istituzionale de su Comune de Sorradile

Arrègulas pro amparare sos animales dae sa basca meda de s'istadiale

Arrègulas pro amparare sos animales dae sa basca meda de s'istadiale

- 1 – Non lassare **mai un'animale a solu a intro de una màchina**: a intro de sa màchina sa temperatura àrtziat meda in pagu tempus, fintzas cun sos bidros calados. Si in foras ddue sunt prus de trinta grados de temperatura, bastant fintzas 10 minutos ebbia pro nde causare sa morte.
- 2 – Cando si bidet un'animale inserradu a solu a intro de una màchina lassada in su sole, abbaidare si tenet **sos sìnimos de unu possibile corpu de calore** e, si est su casu, tzerriare luego luego sas fortzas de s'òrdine e, si faghet, unu veterinàriu. In su mentres chircare de fàghere umbra poninde giornales in pitzu de sos bidros e, si faghet, ghetare abba a intro pro isciùndere s'animale.
- 3 – Bisonzat semper a s'assegurare chi sos animales **potzant andare a s'umbra** e potzant bufare meda abba frisca. Si tenet unu corpu de calore tzerriare luego luego su veterinàriu.
- 4 – **Non si depet passizare su cane in sas oras prus bascosas de sa die**; est menzus a ddu fàghere a su manzanu chitzo o a sero a tardu e a portare semper in fatu abba e un'isterzu. Su cane non depet fàghere atividade isportiva in dies bascosas meda.
- 5 – Su **sole podet brusiare fintzas sos canes e sos gatos**: in dies de sole meda pònnere sa crema solare a protezione arta a sas estremidades sena pilu de sos animales.
- 6 – Pònnere s'**acuàriu in logu chi non ddi arribet sole** e cambiare s'abba a manera regolare e chirrare sas algas chi naschent. Si sa bartza cun sos pisches est in giardinu, tocat a s'ammentare de dda prènere cun regularidade a su sero.
- 7 – Non lassare mai sos canarinos o sos cricetos in su sole, pònnere sa **gàbbia in logu de umbra**.
- 8 – Cando ddu at basca meda sas **errighinas e àteros parassitas** creschent meda: controllare a manera regolare su pilu de canes e gatos e, comente preventzione, pònnere una meighina pro sos parassitas.
- 9 – Est de importu a controllare ogni die sos animales pro bidere chi in su pilu non ddoe siant **oos de musca**. Tènnere pulidos bene e disinfetados, cun sustàntzias chi non fatzant male a sos animales, sos zassos in ue bivent e cambiare s'isterridorzu a su mancu duas bortas a sa chida..
- 10 – In giardinu ddue bivent o ddue podent bìvere animales meda: tzilighertas, eritzos, arranas e coloros chi non faghent dannu a sos òmines ma chi serbint pro ispèrdere bobbois e animales chi faghent dannu: dare atentu, pro non ddos ochire o fàghere fuire, cando si segat s'erba cun sas ainas o si betat meighina pro s'erba.